



**SIUMUT
INATSISARTUT**

08. oktober

UKA2018/195/196

Uunga siunnersuut: Soraarnerussutissiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaata allanngortinneqarneranik Inatsisartut inatsisaat nr. xx,xx. Xxx 2018-imersoq. (Inatsisip atuuffiata ilaneqarnera)
(Aningaasaqarnermut Naalakkersuisoq/ Naalakkersuisoq for finanser)

Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarneranik Inatsisartut inatsisaat nr. xx, xx. xxx 2018-imeersoq. (Akileraartussaasut ilaneqarnerat aamma inatsisip atuuffianik millisitsineq)
(Aningaasaqarnermut Naalakkersuisoq / Naalakkersuisoq for finanser)

Imm. 195 aamma imm. 196 pillugit Siumumiit ataatsimut isigalugit imaattumik oqaaseqaateqassaagut:

Siullermik Inatsisini taakkunani kalaallisoortaani iluarsiinerit malugineqarsimanerat maluginiarparput.

Nuannaarutigaarput sorianik taamaattunik ilisimasaqarluartut uku pillugit eqqumaffigisassat assigiinngitsut oqaaseqarfigisimammatigit.

Tusarniaanermi assigiinngitsuniit akissutigineqartut paasilluarpagut.

Allannguutissatut siunnersutigineqartut allaffissornikkut oqilsaanissamik siunertaqarnerat Siumumiit tunngaviatigut isumaqtigaarput. Minnerunngitsumik innuttaasut Inatsisinut taakkununnga attuumassuteqartut eqqunnginneqarnernissaat naatsorsutigineqarmat.

Taamatut naatsumik oqaaseqarluta uku suliassat Inatsisartut aningaasaqarnermut akileraartarnermullu ataatsimiititalianut sularineqarnissaat Siumumiit ingerlatippalut.

Hermann Berthelsen, Siumut